

Universitätsbibliothek Wuppertal

**Iulianu Autokratoros Ta Sōzomena, Kai Tu En Agiois
Kyrillu Archiepiskopu Alexandreias Pros Ta Tu En Atheois
Iulianu Logoi Deka**

Julian <Römisches Reich, Kaiser>

Lipsiae, Anno MDCXCVI.

Ad priores tres Iuliani panegyricas orationes praefatio

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

urn:nbn:de:hbz:468-1-1694

DIONYSII PETAVII
N O T A E
IN I V L I A N I O P E R A.

Ad priores tres Iuliani Panegyricas
Orationes

DIONYSII PETAVII PRAEFATIO,

AD AMPLISSIMVM VIRVM

D. NICOLAVM VERDVNUM,

Senatus Parisiensis Præsidem.



Olestum me interpellatorem dixerit aliquis,
Præses amplissime, qui tibi, prolati iam-
rebus, ac forensibus negotiis intermissis, o-
tioso esse ne in communi quidem otio permit-
tam. Verum qui & de dignitatis illius, quam
sustines, amplitudine, & occupationum tua-
rum, quæ aliis temporibus summæ esse solent, magnitudine
cogitarit, magis erit quod pudorem a me in adsciendo patro-
no, quam in adeundo opportunitatem ac prudentiam requi-
rat. Quorum illud ut abs te iudicatum iri existimem, neque
egregia tua humanitas patitur, qua te infimis etiam admit-
tendis audiendisque facilem præbes, & ingenii ac doctrinæ
vis excellens prohibet; quæ ne ab eo quidem abhorret gene-
re litterarum, a quo est illud, quod modo tibi consecramus,
profectum. Quas profecto artes adhibere potissimum in cessa-
tione & otio soletis: ut, in quibus rebus meditandis domicili-
um quoddam assidui laboris constituimus, eas non nisi in ludo
& animi oblectatione numeretis. Erunt fortasse qui illud
non improbent, quod tuo patrocinio ad lucubrationum nostra-
rum

rum auctoritatem uti decreuerim ; sed hoc tamen existiment, quemuis potius, quam hunc Christianorum hostem, nomini tuo inscribendum fuisse. Contra quos plura hoc loco dicerem, si in ea te esse sententia putarem ; quorum crimine aliquo notata & flagitiosa vita fuerit, eorum cum improbitate mentionem pariter ac memoriam prescribi oportere. Quod quia neque cum tuo hominis sapientissimi iudicio, neque cum rei veritate, aut quotidiano usu, consentaneum est, & multa leguntur a contaminatis & impuris hominibus haud impure scripta, dabitis hanc mibi facile veniam, ut innocentissimorum scriptorum integritas fauore tuo & gratia ab auctoris inuidia sublevetur. Tametsi eiusmodi illa sunt, quæ modo tibi damus, IVLIANI monumenta, ut nihil ad famam suam præstandam, cuiusquam excusationem desiderent. Nam quum eo tempore scripta ab eodem esse constet, quo sanus adhuc atque incorru-
Vix et ne vix quidem
ptus esset ; nihil iis ex consecuta morum peruersitate contagionis ac labis adflatum est.
haec credidimus.
Joannes Horrel s. 4.
in nota hanc opinionem
perstringit, cum dicit :
In trium orationum
editione Terieno (1614)
Petavius discrete monuit eas a Juliano
Christiano scriptas
esse idonee in libro libri
titulo posuit.
 habent præ cæteris editis hactenus illius operibus singulare ac præcipuum. Quæ quanquam implacabili Christiani nominis odio, & atrocissimis in Galilæos, ut ille vocat, conuictiis referta sunt, ; tamen & studiose a clarissimis viris quæsita atque in lucem emissas sunt, & eadem quotidie non modo sine offensione ultra, sed etiam cum maxima approbatione ac voluptate tractantur. Quamobrem hoc tibi gratiiora aliisque hæc nostra ac iucundiora putauis fore, quod neque iisdem, quibus illa, impietatis ac sceleris notis inusta sunt, neque eo carent, cuius hæc gratia adsciscuntur, doctrinæ elegantiæque fructu. Quod vero sepulta hactenus tenebris, nunc primum in tui luce nominis apparere incipiunt, eo maiorem ex nouitatis illecebra cupiditatem sui allatura confido. Etenim si vetusti lapides, nummi, marmora, aliaque eiusmodi monumenta, non tam utilitate placent, quæ plerumque nulla in iis est, quam ipso generre vetustatis : ob idque & eruuntur sedulo, & obscuris saepè ambiguisque rebus auctoritas ex iis arcessitur ; nemo erit tam a ratione relictus, opinor, qui non mutis illis atque inanimis rebus, veterum lucubrations ac scripta, hoc est, pene ipsius antiquitatis vocem, anteponendam iudicet : quibus

bbb

quum

quum multa ad sermonis proprietatem & ornatum, tum ad scientiam atque historicam lucem, & scitu digna & necessaria continentur. Hoc quidem in nostro plerasque res gestas memoratas reperies multo quam ab iis illustrius, qui easdem commentariis suis atque historiis mandarunt. Eiusmodi sunt Magnentiana illa tempora, & receptum a nefariis Tyrannis ac recreatum Imperium: itemque longe celeberrima illa Nisibenæ ciuitatis obsidio: ac cætera a Constantio suscepta administrataque bella; quæ partim scriptorum paucitate, partim festinatione, paullo erant negligentius atque obscurius prodita; partim denique quod, qui illa eadem Panegyricis hisce a IVLIANO prærepta ac diligenter explicata legerant, ab iisdem iter andis suo iudicio sunt ac voluntate deterriti. Etenim Zosimus libro Historiarum tertio, quum ad Persicum bellum ac Nisibis oppugnationem venisset, superuacuum videri sibi ait rei gestæ narrationem ordinemque pertexere, quum iam Cæsar ipse peculiaribus hoc scriptis antea præstitusset. Quorum illud statim elogium adiecit: Ea vero si quis in manus sumserit, maximam in dicendo vim hominis ac facultatem intelliget. Quæ omnia ad primam postremque iistarum Orationum, sed hanc potissimum, mea quidem sententia, pertinent: in qua de Barbarorum irrito ad eam urbem conatu parifide elegantiaque differuit.

Habes igitur, Præses amplissime, consilii in hoc edendo dicandoque tibi Scriptore mei rationem ac summam. Quod ut approbare, eique suffragari velis, quum a te tua, ut initio dixi, singularis humanitas, amorque erga has litteras impetrabit, tum in Societatem nostram propensus animus ad hoc agendum hortabitur. Mea enim caussa ut priuatim aliquid elaborem, neque ea fert, quæ in me est, obscuritas omnium rerum ac tenuitas; & qualiscunque sum, officio tibi malo ac re ipsa esse, quam ullius prædicatione, præsertim propria, commendatus. Sed quum illud animo cogito, eiusmodi quiddam nuper a me Christianissimo Principi munus oblatum mirifice ei gratum ac iucundum accidisse, non possum non eundem a te mihi fructum laboris mei operæque polliceri. Et quoniam haec sunt & a Principe scriptæ, & ad Principem habitæ olim Orationes, neminem ad earum patrocinium magis idoneum

com:

commodioremque esse duxi viro illo, qui quemadmodum aut apud Reges dicendum, aut Regibus loquendum esset, præclare cognosceret. Qui quum summi ordinis sit, publicique consilii princeps, ita in iure dicendo, æquitateque moderanda, regiam & personam & auctoritatem sustinet, ut eius vox quædam sit regiæ mentis ac voluntatis interpres, & purpureæ vestis fulgor ipse maiestatis illius amplitudinem demonstrat. Quibus regiæ potestatis insignibus ut regiam æque, quum in admittendo hoc meo munere, tum in fouendis nostris subleuandisque, benignitatem adiicere pergas, magno arte opere contendit. Vale. Fixæ Andegauorum, VIII Calend. Hodie La Flocke inter Angers et Le Mans. Nouembris. Anno Domini c. I. I. c. XIII. Petavii editio Flexensis tres priores orationes continens in vulgarium prodit anno sequente 1614.

AD
IVLIANI OPERA
PRAEFATIO.

In qua de IVLIANI ipsius, & vniuerse de gentilium libris; tum de hac noua editione, differit.



IVLIANI Imperatoris, impietate ac perfidia quam rebus ceteris notioris, opera indigna esse Christiani quæ legant, existimat alius, nec nostrum de illis edendis consilium probabit. Sed idem tamen, si ad illum, unde hæc querela potest, pietatis ardorem iudicii paullulum addat ac prudentiae, aliter profecto sentiet; atque ab auctoris inuidia librorum usum utilitatemque secernet. Etenim si ea nunc essent tempora, quibus dæmonum superstitione adhuc mentes occuparet hominum; cautionis id videri posset, hoc illi qualecumque negare præsidium: nec ea vulgare pasim, quæ contumeliis in Christum, & Christianum nomen, adpersa sunt. Sed quum immortali Dei beneficio, salutiferaque vi Crucis ac virtute, sic illa pridem extincta sit, nihil iam vt ab ea peste metuantur; nulla satis idonea caussa superest, cur aduersus hæc monumenta Scriptorum infamium, pertinax bellum & implacabile ultra capiamus.

Est idem de his libris statuendum, quod de faniis ac simulacris Deorum veteres Christiani decreuerunt. Qui quidem initio, iis in prouinciis, ubi primum efferrè se religio Christiana cœperat, templa funditus euertere, conflagrare statuas, ac comminuere solebant: ne quod impietatis vestigium ad tyronum oculos accideret, cuius aspectus recordationem pristini cultus amoremq[ue] renouaret. Post vero, constituta Christiana re, quum iam satis corroborati essent ad fidei constantiam animi; utilius visum est, aris ac statuis inde submotis, parietibus templorum tectisque parcere; vt ea Christianis expiata ritibus, veri ad honorem numinis conuerterent. Simulacra

Dionysius Petavius
haec scripsit in editione
Parisina a. 1630.